

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinsko vijeće

Općinsko vijeće Sapna, na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 22. Statuta Općine Sapna („Službeni glasnik Općine Sapna“, broj 6/07, 8/09 i 3/12) i člana 7. stav 1.tačka 12. Odluke o utvrđivanju osnovica, stopa i načina obračunavanja i uplate doprinosa za obavezno zdravstveno osiguranje na području Tuzlanskog kantona („Službene novine Tuzlanskog kantona“, broj: 1/10, 9/12, 4/14, 16/14, 7/15, 17/15 i 5/16), na sjednici održanoj 14.11.2019. godine, d o n o s i

O D L U K U

O POSTUPKU ZA OSTVARIVANJE PRAVA NA OBAVEZNO ZDRAVSTVENO OSIGURANJE OSOBA KOJE SU U STANJU SOCIJALNE POTREBE

I - OPĆE ODREDBE

I

Ovom Odlukom utvrđuju se korisnici prava na uplatu doprinosa za obavezno zdravstveno osiguranje, kriteriji na osnovu kojih korisnici mogu ostvariti ovo pravo kao i postupak za ostvarivanje navedenog prava.

II - KORISNICI PRAVA NA UPLATU DOPRINOSA ZA OBAVEZNO ZDRAVSTVENO OSIGURANJE

II

Korisnici prava na uplatu doprinosa za obavezno zdravstveno osiguranje su osobe koje imaju stalno prebivalište na području općine Sapna i nalaze se u stanju socijalne potrebe, a pravo na zdravstveno osiguranje ne mogu ostvariti po bilo kojem drugom osnovu.

III - POSTUPAK ZA OSTVARIVANJE PRAVA NA UPLATU DOPRINOSA ZA OBAVEZNO ZDRAVSTVENO OSIGURANJE

III

- (1) Pravo na obavezno zdravstveno osiguranje utvrđuje se u postupku kod JU Centar za socijalni rad Sapna.
- (2) Postupak za ostvarivanje prava na uplatu doprinosa za obavezno zdravstveno osiguranje pokreće se na zahtjev stranke ili po službenoj dužnosti od strane Centra za socijalni rad Sapna.
- (3) Ukoliko je stranka maloljetna, u njeno ime zahtjev podnosi roditelj, staratelj ili usvojitelj.

IV

- (1) Uz zahtjev iz tačke III ove Odluke stranka je dužna priložiti dokaze o ispunjavanju uslova za ostvarivanje prava na uplatu doprinosa za zdravstveno osiguranje kako slijedi :
- a) Obrazac PBA 3- dokaz o prebivalištu na području općine Sapna, ukoliko se zahtjev podnosi za malodobnu osobu uz njen Obrazac PBA 3, potrebno je dostaviti i Obrazac PBA 3 za roditelje, staratelje ili usvojitelje, kopiju lične karte za roditelje, Izvod iz matične knjige rođenih, zdravstvene legitimacije;
 - b) Ukoliko je podnosilac zahtjeva na evidenciji Službe za zapošljavanje potrebno je dostaviti Uvjerenje u kome će biti naveden razlog zbog koga je podnosilac zahtjeva izgubio pravo na obavezno zdravstveno osiguranje kao nezaposleno lice.
 - c') Uvjerenje mjesno nadležne poslovnice Zavoda zdravstvenog osiguranja Tuzlanskog kantona da podnosilac zahtjeva nije zdravstveno osiguran po drugom osnovu;
 - d) Uvjerenje nadležne Porezne uprave da osoba nije zaposlena i da nema zdravstveno osiguranje te da nema ranijeg duga po osnovu neuplaćenog doprinosa za obavezno zdravstveno osiguranje u periodu od 6 mjeseci prije izdavanja uvjerenja.
 - e) Uvjerenje nadležne službe za boračko-invalidsku zaštitu da podnosilac zahtjeva ne koristi zdravstveno osiguranje putem Ministarstva za boračka pitanja
 - f) Po potrebi i drugi dokazi
- (3) Dokumentacija iz stava 1. dostavlja se u originalu ili ovjerenj fotografiji i ne smije biti starija od 6 mjeseci od dana podnošenja zahtjeva.

V

- (1) Postupak za ostvarivanje prava po osnovu ove Odluke u prvom stepenu provodi JU Centar za socijalni rad Sapna u skladu sa odredbama Zakona o upravnom postupku i drugim važećim propisima koji regulišu ovu oblast.
- (2) Pravo na obavezno zdravstveno osiguranje utvrđeno Rješenjem JU Centar za socijalni rad Sapna, trajat će dok postoje zakonom propisani uslovi za korištenje priznatog prava, a kontrolu korištenja istog vršit će JU Centar za socijalni rad Sapna najmanje jednom godišnje.
- (3) Protiv prvostepenih upravnih akata JU Centar za socijalni rad Sapna donijetih u skladu sa ovom Odlukom ,nezadovoljna stranka može izjaviti žalbu u roku od osam dana Komisiji za društveni nadzor i odlučivanje u drugom stepenu općine Sapna..

VI

Prijavu , odjavu, i obračun sredstava za zdravstveno osiguranje neosiguranih lica po ovoj Odluci vršit će JU Centar za socijalni rad Sapna na mjesečnom nivou.

Uplatu sredstava po ovom osnovu, a nakon pravosnažnosti rješenja JU Centar za socijalni rad Sapna vršit će Služba za privredu, budžet i finansije općine Sapna.

VII

- (1) Sredstva za realizaciju ove Odluke obezbjeđuju se u budžetu općine Sapna.

VIII

Ova odluka stupa na snagu osmog dana od dana objavljivanja u Službenom glasniku općine Sapna, a primjenjivat će se od 1.1.2020.godine.

Broj:
Sapna,

Predsjedavajući Općinskog vijeća

Fedahija Ahmetović

Obrazloženje

Pravni osnov za donošenje ove Odluke sadržan je u članu 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09,) i članu 7. stav 1. tačka 12. Odluke o utvrđivanju osnovica, stopa i načina obračunavanja i uplate doprinosa za obavezno zdravstveno osiguranje na području Tuzlanskog kantona („Službene novine Tuzlanskog kantona“, broj: 1/10, 9/12, 4/14, 16/14, 7/15, 17/15 i 5/16).

Odlukom o utvrđivanju osnovica, stopa i načina obračunavanja i uplate doprinosa za obavezno zdravstveno osiguranje na području Tuzlanskog kantona, propisano je da je općina odnosno grad obveznik uplate doprinosa za zdravstveno osiguranje za osobe koje se nalaze u statusu socijalne potrebe, a nisu osigurane po drugom osnovu.

Općina Sapna je i u 2019. godini planirala sredstva za ovu namjenu, ali je neophodno donijeti odluku kojom će biti utvrđeni korisnici prava na uplatu doprinosa za obavezno zdravstveno osiguranje, kriteriji na osnovu kojih korisnici mogu ostvariti ovo pravo kao i postupak za ostvarivanje navedenog prava.

U smislu naprijed navedenog, dostavljamo Vam ovu odluku na razmatranje i usvajanje.

Obrađivač :
Služba za opću upravu,
društvene djelatnosti i boračka pitanja

Predlađač
Općinski načelnik